



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Bernardi verba de po[m]posis abbatibus torquentur in Buceranos.

**urn:nbn:de:hbz:466:1-30106**

quæ sancta mater ecclesia constituit, non faceremus: ideo à pijs eleemosynæ minime negliguntur, vt eis mendaciter imponit Bucer. Deus det vt viduæ, pupilli, ac pauperes non plus opprimantur à Lutheranis, quàm catholicis. Et toties nos catholici illa hæreticis diximus, nec pilo sunt meliores, sed obstinati in malo, sicut Pharao, indies fiunt deteriores: saltem Saluianū audiant, qui ante mille annos sic scripsit: Quæ ratio est, vt ipsi nos falsa opinione fallamus, vt bonum nomen nobis inter peccata opitulari possit, cum spiritus sanctus nec fidem quidem dicat Christianis sine operibus posse prodesse: atq; infra. Et tamen hunc ipsum fidei fructum, infructuosum apostolus sine operibus bonis testatur. Et ad longum lib. 4. prosequitur. Et eo antiquior consonat Theophylactus Alexandrinus lib. 1. Paschalis. Sermo, ratio, scientia, & fides absq; opere cassa sunt, & infra. Sic scientia absque opere, & opus sine fide, infirma sunt & caduca. Belle adfert bona monasteriorum & ecclesiarum esse pauperum: at viderit suos Lutheranos monasteria occupantes, quod nihil omnino perueniat ad pauperes: Imo pauperes eleemosyna quotidiana, quam habuerunt à monachis, modo spoliantur: rusticus dum vina, dū blanda pro censibus attulit, hospitaliter fuit cum iunētis susceptus à monachis. Iam nec Aue ei dicitur. Prælati facilliter subditis in tempore calamitoso subueniebant, vel partem reddituum remittendo, vel in annum expectando, aut egentibus mutuando. Iam nihil illorū fit, & pauperes tanto destituti sunt, monasterijs direptis per Lutherismum, præsidio: quæ omnia transit Bucer, & mendaciter iactat pietatem apud sectarios, quæ apud eos perditur. S. Bernardū adfert sermone 33. super Canticis. Mirū, q; qui alias virum sanctum & doctum exhibant, ac eius aspernantur auctoritatem, modo eum magni faciunt, dum inueniunt, qd culpet monachos. At is est mos hæreticorum, aliquoties sanctos

Bona monasteriorum diripiuntur

S. Bern.

sanctos (vellicatim saltem) legere patres, si quid inueniant, quod ad eorum insaniam faciat: Veluti hic de S. Bern. quem constat & abbatem & abbatum patrem, hunc statum prælatorum non improbasse, sed mores corruptos & abusus merito reprehendisse, quod omnes boni faciunt: vos autem Lutherani adulatorum à propheta improbamini, qui abusus & corruptiones vestris principibus & vitiosos contraetus ciuibus indicare non audetis. Væ qui consuunt pullos, ait Ezechiel, sub omni cubito manus, & faciunt ceruicalia sub capite vniuersæ ætatis ad capiendas animas.

Ezee. 19

Si vellem exercere ingenium, quàm facile regerem ista verba Bern. in caput Buceri, & aptius quàm ipse torfit in prælatos: nam cum omnes hæretici iactent se amicos ecclesiæ & fidei, sunt tamen omnes inimici: domestici esse volunt et proximi, tamen quia quærunt omnes quæ sua sunt, nunquam sunt pacifici: tot tumultus & turbas in ecclesia excitantes, & totam Germaniam pessundantes. Christi sunt, ita iactitant, & sponsa in Canticis eos appellat gregem sodalium: Sic Luther solebat ab initio singulis paginis præfigere, Iesus vel Christus, tam deuotus voluit videri impiissimus pharisæus: quia vt in Bernardo sequitur: Et seruiunt Antichristo. Honorati inceditis vos pseudapostoli & peruersi doctores, ex bonis domini, ecclesiarum scilicet & monasteriorum, quæ rapacissime deuoratis. Qui honorem domino non desertis, vt in eucharistia vel adoranda aut veneranda. Diabolus enim genua eis retinet inflexibilia, ne curuentur, & manus restringit, ne byrrha in honorem redemptoris nostri e capitibus leuent. Hinc nitor meretricius in Lutheranis prædicatoribus, dum lupis suis placere plus volunt, & mundo quàm deo. Et habitus eorum histrionicus, cum abiecto habitu clericali, more satellitio incedunt, sine superpelliceis, in byrrhis amplis, sicut præfecti bellogum aut vexilliferi. Inde aurum, non in frenis, sed in colle Hofandri:

In apostas  
tas tor:  
quæ uerba  
Bern.

Cant.:

Lutherani  
præd. quas  
les.

nam

nam eximie catena aurea se exornat, dum ad populum aduersus Papam impia dogmata declamat. Altaria tamen sic non fulgent, cum omni ornatu ac splendore sint spoliata, vel apud Capharnaitas altaria sunt funditus diruta. Hinc perpetua sunt apud eos conuiuia, comessationes quotidianæ, saltationes perpetuæ, vt suis scortillis salacibus legitimis morem gerant, & adeo quidemperate, vt nec sancto diei parasceues in magna & sancta septimana parcant. Proh hominū insolentiam plus quàm Barbaricam. Quod nisi lectoris rationem haberem, non esset mihi operosum huiusmodi per Bucero & complices citata, commodissime & vere in eos retorquere. At ne molestior sim lectori, deinceps studebo breuitati, cum nihil adferat Bucius, quod prius non destruximus in tribus disputationibus supra memoratis in Homilijs nostris, de tempore, de sanctis, de sacramētis, & decalogo. In libris nostris de primatu S. Petri, de poenitentia & eius partibus, de sacrificio missæ, de purgatorio, de non tollendis imaginibus, in confutatione disputationis Bernicæ. In Apologia contra Bucero, in Enchiridio & alijs scriptis nostris.

Bucero homo quietis impatiens, vt magnum ederet volumen, contra sanctorum implorationem excurrit nouus Vigilantius, ab ipso quoq; Hieronymo improbatus. Verum hæresim iugulauimus in Homilia Augustæ coram deo amabilissimo Imp. Carolo & ordinibus Imperij ac potentatum Oratoribus habita, & in Enchiridio ac disputationibus nostris, propterea hic transibimus. Calumnijs temere in vicarios Christi sparsis veh dicimus, cum fidefractus ille apostata nō sit dignus, cui respondeatur, hoc dumtaxat ei dicamus. Principi populi tui non maledices. Et ibi lud: Qui autem superbierit nolens obedire sacerdotis imperio, qui eo tempore ministrat domino deo tuo, ex decreto iudicis moriatur homo ille. Mentitur enim apertissime episcopus

Epicurismus Lutherorum.

ECKIANI libri.

Hierony. An. 1530.

Exod. 22  
Deut. 17